

七十二家集

重纂陳思王集序

子建文王歎為已飲縱酒自

抵至乘車行馳道中及

拜征虜將軍呼有所勅

竟醉不能受命稍有覺

知當應背認至酒所謂雅

雞斷尾而逝犧者而原其  
意非直少長之際內雖不遑  
彼見夫漢曆將終魏祚行  
燭脫當事任處分自難不  
若先爭解免其所全于倫  
常者大也文中子稱陳思

善讓能迂其跡墜儒疑信  
者準然考魏志蘇則傳  
禪代事起子建發服悲泣  
古今骨肉為帝而戀一故  
主哀不自勝者惟陳王及  
司馬孚兩人吁赤心揭于日

月矣余謂子建果嗣必堅  
守服爭之節而外金尚延  
即子建不嗣而嗣魏者未  
遽代漢子建以貴公子守一  
官以彼其才何地不足自展  
滕子豆泣釜中救過不贖

遠遊之冠空邑。而齊志于  
盛年也。審舉表及陳取  
諸國士息等篇舊集多  
遺。今觀其言曰。取齊者田  
族非呂宗分。晉者韓魏非  
姬姓。且謂乞藏書府不便。

滅桑陸死之後事或可惡是  
明知有司禹之變痛切譚  
之惜帝不悟耳其深心卓  
識豈與不自見見曉者同乎哉  
世但見丁虞華之擁戴幾  
搖上指曰疑其奪嫡而垂涎

又見夫主社就封輒觀爭  
任又以為慕誼而投瘡一  
丹誠翻同不韻曰增定陳  
王集而昭揭之如此若夫  
八斗才華鬱鬱是巨麗則  
增苑間久龜麟宗之矣



所候余言矣

壬戌春暮閩漳張燮識于  
東阿道中

陳思王集目錄

明海濱逸史張燮纂

卷之一

賦

登臺賦

節遊賦

臨觀賦

游觀賦

東征賦

有序

籍田賦

述行賦

感節賦

娛賓賦

潛志賦

玄暢賦

有序

閒居賦

九愁賦

叙愁賦

有序

離思賦

釋思賦

有序

幽思賦

愁思賦

懷親賦

有序

慰子賦

靜思賦

歸思賦

洛神賦

有序

愍志賦

有序

出婦賦

感婚賦

卷之二

賦

大暑賦

愁霖賦

又

喜霽賦

寶刀賦

有序

九華扇賦有序

迷迭香賦

車渠枕賦

酒賦有序

植橘賦

芙蓉賦

槐賦

神龜賦有序

陳琳答東阿論龜賦書附

白鶴賦

鸚鵡賦

離繳鴈賦有序

鵲賦有序

鸚雀賦

蟬賦

蝙蝠賦

卷之三

樂府

飛龍篇

丹霞蔽日行

薤露行

惟漢行

君子行

鰕組篇

吁嗟篇

豫章行二首

蒲生行浮萍篇



笠篋引

野田黃雀行

門有萬里客

泰山梁甫行

怨詩行

怨歌行

輦舞歌五首

有序

聖皇篇

靈芝篇

大魏篇

精微篇

孟冬篇

當欲游南山行

名都篇

美女篇

白馬篇

升天行二首

五遊篇

遠遊篇

仙人篇

鬪雞篇

盤石篇

驅車篇

種葛篇

棄婦篇

妾薄命二首

平陵東

當來日大難

桂之樹行

當牆欲高行

當事君行

當車以駕行

苦思行

豔歌

樂府

卷之四

詩

上責躬詩

應詔詩

朔風詩

五章

矯志詩

元會詩

閨情

公宴詩

侍太子坐

贈徐幹

贈丁儀

贈王粲

又贈丁儀王粲

贈丁翼

贈白馬王彪七首

有序

送應氏詩二首

三良詩

遊仙詩

雜詩七首

七哀詩

情詩

喜雨詩

雙鶴

七步詩

離友詩二首

有序

妬詩

羈懷詩

芙蓉池

言志

雜詩

詠牛詩

騷

九詠

卷之五

令

黃初五年令



黃初六年令

寫灑均上事令

表

求自試表

求通親親表

陳審舉表

諫取諸國士息表

諫伐遼東表

卷之六

表

慶文帝受禪表

慶受禪上禮表

龍見賀表

初封安鄉侯表

封甄城王謝表

轉封東阿王謝表

謝妻改封陳妃表

謝入覲表

又

謝周觀表

謝明帝賜食表

明帝詔附

謝賜柰表

帝答詔附

謝鼓吹表

答明帝詔表

上責躬表

上太子誄表

上先帝賜飲食

冬至獻襪履表

獻璧表

獻馬表

獻牛表

請招降江東表

諫用賢表

望恩表

請祭先王表

請赴元正表

章

改封陳王謝章

封二子爲公謝恩章

卷之七

書

與楊德祖書

楊脩答臨淄侯牋附

與吳質書

吳質答東阿王書附

與司馬仲達書

與陳琳書

與丁敬禮書

答崔文始書

序

前錄自序

柳頌序

遷都賦序

七

七啟

卷之八

論

魏德論

敘謳  
鵠謳

禾謳  
鳩謳

漢二祖優劣論

成王漢昭論

相論

辯道論

又辯道論

令禽惡鳥論

說

籍田說二首

蠲體說

卷之九

碑

制命宗聖侯孔羨奉家祀碑

頌



皇子生頌

承露盤頌

有序

明帝與東阿王詔附

孔廟頌

有序

社頌

有序

湯妃頌

姜后頌

玄俗頌

冬至獻襪頌

宜男花頌

贊

畫贊

有序

庖犧贊

女媧贊

神農贊

黃帝贊

黃帝三鼎贊

少昊贊

顓頊贊

帝嚳贊

帝堯贊

帝舜贊

夏禹贊

禹治水贊

禹渡河贊

殷湯贊

湯禱桑林贊

周文王贊

周文王赤雀贊

周武王贊

周公贊

周成王贊

漢高帝贊

漢文帝贊

漢景帝贊

漢武帝贊

姜嫄簡狄贊

禹妻贊

班婕妤贊

吹雲贊

巢父贊

務光贊

商山四皓贊

長樂觀畫贊

銘

寶刀銘

文

誥咎文

有序

釋愁文

卷之十

誄

武帝誄

文帝誄

卞太后誄

任城王誄

大司馬曹休誄

光祿大夫荀侯誄

王仲宣誄

平陽懿公主誄

蒼舒誄

哀辭

仲雍哀辭

金瓠哀辭

行女哀辭

附錄

陳思王傳

晉陳壽

與平原侯書二首

魏劉楨

經陳思王墓

梁庾肩吾

遺事

集評



陳思王集卷之一

魏陳思王曹植子建著

賦

登臺賦

從明后而嬉遊兮登層臺以娛情見太府之廣  
闊兮觀聖德之所營建高門之嵯峨兮浮雙闕  
乎太清立中天之華觀兮連飛閣乎西城臨滄  
水之長流兮望園果之滋榮仰春風之和穆兮  
聽百鳥之悲鳴天雲恒其旣立兮家願得而獲

運揚仁化於宇內兮盡肅恭於上京  
雖經文之爲盛兮豈足方乎聖明  
休矣美矣惠澤遠揚翼佐皇家兮  
寧彼四方同天地之矩矱兮齊日月  
之輝光永貴尊而無極兮筭年壽于東王

節遊賦

覽宮宇之顯麗實大人之攸居建三臺於蒲處  
飄飛陛以凌虛連雲閣以遠徑營觀榭於城隅  
亢高軒以廻眺緣雲霓而結䟽仰西嶽之崧岑  
臨漳淦之清渠觀靡靡而無終何渺渺而難殊  
亮靈后之所處非吾人之所廬於是仲春之月  
百卉叢生萋萋藹藹翠葉朱莖竹林青葱珍果  
含榮凱風發而時鳥謹微波動而水蟲鳴感氣  
運之和順樂時澤之有成遂乃浮素蓋御騂駟

命友生攜同儔誦風人之所歎遂駕言而出遊  
步北園而馳騫庶翱翔以解憂望洪池之澆漭  
遂降集乎輕舟浮沉蟻於金轡行觴爵於好仇  
綠竹發而嚮厲悲風激於中流且容與以盡觀  
聊永日而忘愁嗟羲和之奮迅怨曜靈之無光  
念人生之不末若春日之微霜諒遺名之可紀  
信天命之無常愈志蕩以滯游非經國之大綱  
罷曲宴而旋服遂言歸乎舊房

臨觀賦

登高牖兮望四澤臨長流兮送遠客春風暢而  
氣通靈草含幹兮木交莖丘陵囁兮松栢青南  
園變兮果載榮樂時物之逸豫悲予志之長違  
歎東山之遡勤歌式微以詠歸進無路以効功  
退無隱以營私俯無鱗以遊遁仰無翼以翻飛

游觀賦

靜閒居而無事將遊目以自娛登北觀而啟路  
涉雲際之飛除從罷熊之武士荷長戟而先驅  
罷若雲歸會如霧聚車不及回塵不復舉奮袂  
成風揮汗如雨

東征賦

有序

建安十九年王師東征吳寇余典禁兵衛宮省  
然神武一舉東夷必克想見振旅之盛故作賦  
一篇

登城隅之飛觀兮望六師之所營  
幡旗轉而心異兮舟楫動而傷情  
顧身微而任顯兮愧任重而命輕  
嗟我愁其何爲兮心遙思而懸旌  
師旅憑皇穹之靈佑兮亮元勲之必舉  
揮朱旗以東指兮橫大江而莫御  
循戈櫓於清流兮汜雲梯

而容與含元師于中升八極靈威於東野



籍田賦

營疇萬畝厥田上上奇柳夾路名果穀園司農  
實掌是謂公田

述行賦

尋曲路之南隅觀秦政之驪墳哀黔首之罹毒  
酷始皇之爲君濯余身於秦井倖湯禱之君焚

感舊賦

携友生而游觀盡賓主之所來登高牖以永望  
冀消日以忘憂欣陽春之潛潤樂時澤之惠休  
望候鴈之翔集想玄鳥之來游嗟征夫之長勤  
雖處逸而懷愁懼天河之一迴沒我身乎長流  
豈吾鄉之足顧戀祖宗之靈丘唯人生之忽過  
若鑿石之未燿慕牛山之哀泣懼平仲之我笑  
折若華之翳日庶朱光之常照願寄軀於飛蓬  
乘陽風而遠飄亮吾志之不從乃拊心以歎息

青雲鬱其西翔飛鳥翩而上匿欲縱體而從之  
哀余身之無翼大風隱其四起揚黃塵之冥冥  
鳥獸驚以求群草木紛其揚英見遊魚之泔潛  
感流波之悲聲內紆曲而潛結心怛惕以中驚  
匪榮德之累身恐年命之早零慕歸全之明義  
庶不忝乎所生

娛賓賦

遂行賓而高會兮丹幃睢以四張辦中厨之豐  
膳兮作齊鄭之妍倡文人騁其妙說兮飛輕翰  
而成章談在昔之清風兮總賢聖之紀綱欣公  
子之高義兮德芬芳其若蘭揚仁恩於白屋兮  
踰周公之棄餐聽仁風以忘憂兮美酒清而肴  
甘

潛志賦

潛大道以遊志希往昔之遐烈矯貞亮以作矢  
當死固乎呈藝驅仁義以爲禽必忠信而後發  
退隱身以滅跡進出世而取容且推剛而和謀  
接虔肅以靜恭亮知榮而守辱匪徇天以爲通

玄暢賦

唐 李

夫富者非財也貴者非寶也或有輕爵祿而重  
榮華者或有反性命而徇功名者是以孔老異  
情湯墨殊義聊作斯賦名曰玄暢

夫何希世之大人謦天壤而作皇該仁聖之上  
義據神位以統方補五常之漏闕綴三代以維  
綱饒余生之倖祿遵九二之嘉祥上同契於稷  
卨降合穎於伊望思薦寶以繼佩怨和璞之始  
鑄思黃鍾以協律怨伶夔之不存嗟所圖之莫

合帳繡結而延佇希鵬舉以搏天蹶青雲而奮  
羽金咽躍而改駕任中才之展御望前軌而致  
策顧後乘而安驅匪遲邁之短脩取全貞而保  
素弘道德以爲宇絜無怨以作藩藩慈惠以爲  
圃畊親順以爲田不媿景而慚魄信樂天之何  
欲逸千載而流聲超遺黎而度俗



閒居賦

何吾人之介特去朋羣無儔出靡時以娛志  
入無樂以消愛何歲月之若鶩復民生之無常  
感陽春之發節聊輕駕而遽翔登高丘以延企  
時薄暮而起雨仰歸雲以載奔遇蘭蕙之長圃  
冀芬芳之可服結春衡以延停入虛廊之間館  
步生風之高廡踐密邇之修除卽蔽景之玄宇  
翡翠翔於南枝玄鶴鳴於北野青魚躍於東沼  
白鳥戲於西渚遂乃背通谷對綠波藉文茵翳

春華丹轂更馳羽騎相過

九愁賦

嗟離思之難忘心慘毒而含哀踐南畿之末境  
越引領之徘徊眷浮雲以太息顧榮登而無階  
匪寵榮而愉樂信舊都之可懷恨時王之謬聽  
受奸枉之虛辭揚天威以臨下忽放臣而不疑  
登高陵而反顧心懷愁而荒悴念先寵之既隆  
哀後施之不遂雖危亡之不豫亮無遠君之心  
刈桂蘭而秣馬舍余車於西林願接翼於歸鴻  
嗟高飛而莫攀因流景而寄言響一絕而不還

傷時俗之趨隘獨悵望而長愁感龍鸞而匿跡  
如吾身之不留竄江介之曠野獨眇眇而沉舟  
思孤客之可悲改予身之翩翩豈天監之孔明  
將時運之無常謂內思而自策筭乃昔之愆殃  
以忠言而見黜信厚負於時王俗參差而不齊  
豈毀譽之可同兢昏瞽以營私害予身之奉公  
共朋黨而妬賢俾予濟乎長江嗟大化之移易  
悲性命之攸遭愁懔懔而繼懷怛慘慘而續挽  
曠年載而不回長去君兮悠遠御飛龍之蜿蜒

揚翠霓之華旌絕紫霄而高鶩飄弭節於天庭  
披輕雲而下觀覽九土之殊形顧南郢之邦壤  
咸蕪穢而倚頓驂盤桓而思服仰御驥以悲鳴  
紆予袂而長涕僕夫感以失聲履先王之正路  
豈淫徑之可遵知犯君之招咎耻干媚而求親  
顧旋復之無軌長自棄於遐濱與麋鹿以爲群  
宿林藪之歲暮野蕭條而極望曠千里而無人  
民生期於必死何自苦以終身寧作清水之沉  
泥不爲濁路之飛塵踐蹊隧之危阻登名堯之

高岑見失群之離獸  
覲偏棲之孤禽  
懷憤激以切痛苦  
回忍之在心愁  
戚戚其無爲  
遊綠林而逍遙  
臨白水以悲嘯  
猿驚聽而失條  
亮無怨而棄逐  
乃余行之所招

叙愁賦 有并

時家二女弟故漢皇帝聘以爲貴人家母見二  
弟愁思故令予作賦曰

嗟妾身之微薄信未達乎義方遭母氏之聖善  
奉恩化之彌長迄盛年而始立脩女職於衣裳  
承師保之明訓誦六列之篇章觀圖像之遺形  
竊庶幾乎英皇委微軀於帝室充末列於椒房  
荷印綬之令服非陋才之所望對牀帳而太息  
慕二親以憎傷揚羅袖而掩涕起出戶而彷徨

顧堂字之舊處悲一別之異鄉



離思賦

有序

建安十六年大軍西討焉超太子留監國植時  
從焉意有憶戀遂作離思賦云

在肇秋之嘉月將曜師而西旗余抱疾以寘從  
茲衡軫而不怡慮征期之方至傷無階以告辭  
念慈君之光惠庶沒命而不疑欲畢力於旌麾  
將何心而遠之願我君之自愛爲皇朝而寶已  
水重深而魚悅林脩茂而鳥喜

釋思賦

有序

家弟出養族父郎中伊予以兄弟之愛心有戀  
然作此賦以贈之

彼翬友之離別猶求思乎白駒况同生之義絕  
重背親而爲踈樂鴛鴦之同池羨比翼之共林  
亮艱異其何戚痛別離之傷心

幽思賦

倚高臺之曲隅處幽僻之閑深望薄雲之悠悠  
羗朝霽而夕陰顧秋華而零落感歲莫而傷心  
觀躍魚於南沼聆鳴鶴於北林擲素筆而慷慨  
揚大雅之哀吟仰清風以歎息寄余思於悲絃  
信有心而在遠重登高以臨川何余心之煩錯  
寧翰墨之能傳

愁思賦

四節更王兮秋氣悲遙思惆恍兮若有遺原野  
蕭條兮煙無依雲高氣靜兮露凝璣野草變色  
兮莖葉稀鳴蜩抱木兮鴈南飛歸室解裳兮步  
庭前月光照懷兮星依天居一世兮芳景遷松  
喬難慕兮誰能仙長短命也兮獨何愆

懷親賦

有序

濟陽南澤有先帝故營遂停馬在駕造斯賦焉  
獵平原而南驚觀先帝之舊營步壁壘之常制  
誠旌麾之所停在官曹之典列心髣髴於平生  
回驥首而永游赴脩途以尋遠情眷戀而顧懷  
魂須臾而九反

慰子賦

彼凡人之相親小離別而懷戀況中殤之愛子  
乃千秋而不見入空室而獨倚對孤幃而切嘆  
痛人亡而物在心何忍而後觀日晡晚而旣沒  
月代照而舒光仰列星以至晨衣霑露而含霜  
惟逝者之日遠愴傷心而絕腸

靜思賦

夫何美女之爛妖紅顏睥而流光卓特出而無  
匹呈才好其莫當性通暢以聰惠行嬈密而妍  
詳陰高亭以翳目臨綠水之清流秋風起於中  
林離鳥鳴而相求愁慘慘以增傷悲予安能乎  
淹留

歸思賦

背故鄉而遷徂將遙憇乎北濱經平常之舊居  
感荒壞而莫振城邑寂以空虛草木穢而荆榛  
嗟喬木之無陰處原野其何爲信樂土之足慕  
忽并日之載馳



洛神賦

有序

黃初三年余朝京師還濟洛川古人有言斯水  
之神名曰宓妃感宋玉對楚王說神女之事遂  
作斯賦其詞曰

余從京師言歸東藩背伊闕越轅轅經通谷陵  
景山日既西傾車殆馬煩爾廼稅駕乎蘅皋稜  
騶乎芝田容與乎楊林流眄乎洛川於是情移  
神駭忽焉思散俯則未察仰以殊觀覩一麗人  
于巖之畔爾廼援御者而告之曰爾有覲於彼

者乎彼何人斯若此之豔也御者對曰臣聞河  
洛之神名曰宓妃則君王之所見也無廼是乎  
其狀若何臣願聞之余告之曰其形也翩若驚  
鴻婉若游龍榮曜秋菊華茂春松髣髴兮若輕  
雲之蔽月飄飄兮若流風之迴雪遠而望之皎  
若太陽升朝霞迫而察之灼若芙蕖出淥波穠  
纖得中脩短合度有若削成腰如約素延頸秀  
項皓質呈露芳澤無加鈿華不御雲鬢峨峨脩  
眉聯娟丹脣外朗皓齒內鮮明眸善睐靨輔承

權環姿豔逸儀靜體閑柔情綽綽於語言奇  
服曠世骨像應圖披羅衣之璀璨兮珥瑤碧之  
華琚戴金翠之首飾綴明珠以耀軀踐遠游之  
文履曳霧縠之輕裾微幽蘭之芳馥兮步踟躕  
於山隅於是忽焉縱體以遨嬉左倚采旄右  
陰桂旗攘皓腕於神芝兮采湍瀨之玄澣余情  
悅其淑美兮心振蕩而不怡無良媒以接歡兮  
託微波而通辭願誠素之先達兮解玉佩而要  
之嗟佳人之信脩兮羌習禮而明詩抗瑇瑁以

和予今指潛川而爲期孰眷眷之款實今懼斯  
靈之我欺感交甫之棄言今懷猶豫而狐疑收  
和顏而靜志今申禮防以自持於是洛靈感焉  
徙倚傍徨神光離合乍陰乍陽竦輕軀以鶴立  
若將飛而未翔踐椒塗之郁烈步蘅薄而流芳  
超長吟以永慕兮聲哀厲而彌長爾迺衆靈雜  
遯命儔嘯侶或戲清流或翔神渚或採明珠或  
拾翠羽從南湘之二妃攜漢濱之游女歎匏瓜  
之無匹詠牽牛之獨處揚輕珪之綺靡翳脩袖

以延停體迅飛鳧飄忽若神陵波微步羅韞生  
塵動無常則若危若安進止難期若往若還轉  
眄流精光潤玉顏含辭未吐氣若幽蘭華容婀娜  
令我忘餐於是屏翳收風川后靜波馮夷鳴  
鼓文媧清歌騰文魚以警衆鳴玉鸞以借逝六  
龍儼其齊首載雲車之容裔鯨鯢踊而夾轂水  
禽翔而爲衛於是越北沚過南岡紆素領迴清  
陽動朱唇以徐言陳交接之大綱恨人神之道  
殊怨盛年之莫當抗羅袂以掩涕兮淚流襟之

浪浪悼良會之未絕兮哀一逝而異鄉無微情  
以效愛兮獻江南之明璫雖潛處於太陰長寄  
心於君王忽不悟其所含悵神霄而蔽光於是  
背下陵高足往心留遺情想象顧望懷愁冀靈  
體之復形御輕舟而上沂泮長川而忘反思縣  
縣而增慕夜耿耿而不寐霜繁霜而至曙命僕  
夫而就駕吾將歸乎東路攬騅轡以抗策悵盤  
桓而不能去

記曰植初求甄逸女不遂後太祖

寢與食黃初中人朝帝示植甄后玉鏤金帶枕  
植見之不覺泣下時已為郭后讒死帝仍以枕

賈植植遠度輟轉思洛水上因思覽氏忽若有  
見遂述其事作感甄賦後明帝見之改爲洛神  
賦樊桀植在黃初猜嫌方闕安敢於帝前思甄  
泣下帝又何至以甄枕賜植此國章家典所無  
也若事因感甄而名托洛神間有之  
耳豈待明帝始改皆傳會者之過矣

懸志賦

育序

或人有好鄰人之女者時無良媒禮不成焉彼  
女遂行適人有言之於予者予心感焉乃作賦  
曰

竊托音於往昔迄來春之不從思同遊而無路  
情蓬隔而靡通哀莫哀於永絕悲莫悲於生離  
豈良時之難俟痛予質之日虧登高樓以臨下  
望所歡之攸居去君子之清宇歸小人之蓬廬  
欲輕飛而從之迫禮防之我拘



出婦賦

以才薄之陋質奉君子之清塵承顏色以接意  
恐疎賤而不親悅新婚而忘妾哀愛惠之中零  
遂摧顏而失望退幽屏於下庭痛一旦而見棄  
心惻惻以悲驚衣入門之初服背床室而出征  
攀僕御而登車左右悲而失聲嗟冤結而無訴  
乃愁苦以長窮恨無愆而見棄悼君施之不終

感婚賦

陽氣動兮淑清百卉鬱兮含英春風起兮蕭條  
蟄蟲出兮悲鳴顧有懷兮妖嬈用騷首兮屏營  
登清臺以蕩志伏高軒而游情悲良媒之不顧  
懼歡媾之不成慨仰首而太息風飄飄以動纓